




猗蘭臺集

二 二稿

~ 16
3371
9



1778
B



Handwritten marks in the gutter, possibly initials or numbers.



明 16
號 3371
卷 9



猗蘭臺集卷之二 二稿

文林
卷

詩

仲秋集時小亭新成席上賦贈子遷分韻
人字

亭窻寂寞隔風塵高枕雲間月色新共愛林泉
與秋霽坐忘自是羲皇人

席上再贈子遷

猗蘭臺集卷之二 二稿

42-11114

月下留君明月杯今宵不醉未須回由來自異
穆生嗜鯨飲人稱八斗才

坐忘亭上月將圓秋夕相逢豈不憐海內同心
今屈指人生事事似桑田

丁巳春正月六日齒始落因戲作

齒落生猶狂狂來歌白雪白雪口不寒此歌不
可闕

漫興

春色恨何長娟娟花氣香相看誰得折十里大
江陽

大潮上人丁巳春為六十請詩余時上人
將歸黃檗因壽且送別云

吾聞六十飽肉釋氏之肉何所美又聞六十養
國釋氏之養何所恃無肉無養齡已長法術法
術何以比上人今年甫六十顏色不變氣爽然
南山不騫峻屹岿松柏不衰綠嬋娟勿疑神仙

無不有彭祖七百長生傳况復靈知到妙界逍
遙坐對不住天為君為壽且送別願君益享長
生年

曉山得春字

曉山春不見日出山初春雲影望中去望中花
氣新

愁人常起早能對曉山新來鴈如昨日未知花
裏春

雨集得山字

春光日日滿東山來去飛花亂欲斑今雨坐中
酣飲盡明朝誰是復酡顏

春雨得聲字

閒庭添樹色細雨濕無聲鳥雀不相避翩迴花
裏鳴

春雨能憐酒酒能憐雨聲乾坤有二友醉殺一
狂生

花下獨酌得絃字

攜將一尊酒日日坐花邊
花是杯中友惱殺無
酒仙花能勸我醉來去
縈樽前世間多相愛一
時誰嫣然春風且吹樹
美姿乍翩翩游子已去
盡忘却他日憐歲歲雖
春至又何有今年對君
移白日可惜我朱絃絃
歌與花酒相樂暫周旋

送別

離堂杯酒莫相忘
君去交游望渺茫
湖上烟雲

為誰起一行鴻鴈暮天長

題人贈紅梅花

一枝春色珊瑚香
相贈開來白玉牀
何必音書問雙鯉
花間錦字感情長
請看花如醉何唯獨
醉人隣翁止吹笛恐
減一枝春

春江花月夜

麗宇映江水芳林含月光
暮潮生波色夜露帶

花香

花氣幔爛散月暉朦朧浮錦纜發柳浦樓船宿
梅州

兩國橋春望

兩國橋頭朗紫霞九街車馬日繁華檣帆高掛
長堤柳殿閣遙連上苑花春色相驕錦綺袂路
傍共競流金駟游人多是酒壚下醉臥昏昏不
返家

酌酒與子遷

酌酒相看心渺茫春光到處傷愁腸風塵無賴
中原色日月堪驚兩鬢霜林外閑花開野徑雨
餘蔓草滿池塘生涯萬事須酣飲千載才名行
樂長

同賦花亭新晴得流字

江亭春酒黃鸝留風逐飛花下夕流昨夜緣愁
雨聲急新晴更愛醉鄉遊

霽盡清風入畫樓
臥看初月出林頭
欲貪良夜春園醉
坐客傾杯酒若流

又得花字

移榻憐晴雨
舉杯待落花
落花雖入酒
多自逐泥沙

又得多字

蹴花輕燕去
來去幾回過
過處花還落
非關風雨多

又賦併贈子遷

一樽雨後為花求
落日留君惜此遊
亭上假令無逸興
勿迴輕棹遡江流

逍遙館集同賦花下對酌得十二真韻

百花不解百花春
對酌春風花已新
醉脫酒巾君勿咲
相看散髮眼中人
五陵衣馬欲誇春
辜負春風輕薄人
對酌山花似相咲
偏吹坐上白綸巾

惜花得琴字

春風何太急老去更驚心一日花將盡千山綠
欲深共堪耽杜酒強自撥胡琴不啻年芳晚生
涯已陸沈

連日對花酌

飛花如雪滿春衣撲面不寒翻落暉一日一樽
林下酒杯中更泛月光歸

飛鳥山春游

聞說春闌飛鳥山山青花白罄歡還開樽共醉
紅顏子鳳管霓裳樹樹間

江上送客得十四寒韻

江頭殘月曙猶寒留纜偏思五百灘何處春風
送行客躊躇岸上淚闌干

折楊柳

山高江水長垂柳綠復黃相逢與相折一別已
一霜白雲何鬱鬱清波且茫茫哀猿啼明月蕭

條淚霑裳

楊柳隨風動河堤亂成絲鳴鳥集幽處飛絮隔
歸期城高塞曲落林密胡笳悲別恨春彌切相
望為相思

前有一樽酒行

前有一樽酒賓主結合歡觴有琥珀色絲吹滿
玉欄舞袖翻落日綺羅翠粲寒厭厭燕以樂德
化來鳳鸞同享萬歲壽懽兮繁會闌

對躑躅花有感

躑躅花開催子規新紅底事暗霑眉昔時看取
漢庭色幾度春風吹舊枝

攜酒遊鴛鴦池得枝字

兩堤花發鴛鴦池日日接羅芳樹枝官事春游
忘却盡從來不問并州兒
春風拂面翠楊枝醉臥莓苔白日移相似酒巾
彭澤宰流觴不讓曲江池

秋蘭篇

秋蘭結玉露露光照池水浮萍帶其香相依芙蓉美鴻雁雙飛來鴛鴦同歡喜秋風君不歸幽閨吹羅綺

王孫遊

綠草復綠草年年憐春芳春芳猶可到君歸露為霜

春江行

春江碧波起征帆阻堤上堤上人誰知涕淚空惆悵

桃花曲

新粧桃李花紅艷無相比風吹春葉衰恐不得結子

夏曉得玕字

綠竹曉牕朗清涼碧琅玕棲鳥過樹杪殘月掛雲端露白邵瓜濕風清陶林寒衣襟忘苦熱無

意弄輕紈

獨處怨

楊柳覆幽閨獨處閉春芳翠黛雲母帳玉釵錦
繡牀人間何有別江上雙鴛鴦君去看飛絮霏
霏幾星霜

和逍遙館主寄懷作

閑緘投來寄懷詩彩毫字字轉相思明珠更得
夜光色何似驪龍蟠結時

初夏得蘭字

東籬花未殘初夏日猶寒葉卑疑陶菊草香怪
屈蘭新詩千載興濁酒一時歡相值同心契不
關世上看

宮詞

亭上名花糝似瑤清風拂露暗香驕一時恩寵
偏難賴濃艷朝開夕早凋
含咲君王弄玉絃三千宮女擁嫣然金釵風動

瑤臺上不讓歌聲誰得憐

花明月白靜樓臺旦暮宮中深怨催夢裡更驚
魚鑰鎖玉階霜色冷皚皚

雲和空抱望高天雲母帳前月欲圓更怪上林
御遊久良宵游戲入繁絃

蟋蟀秋寒糝鏡臺綉衾夜夜暗聲哀淒風蕭索
來何處金井梧桐色欲摧

銀燭光熒玉屏明六宮如畫待恩情芙蓉帶露

梨花雨畫作娥眉向曉晴

昨憐桃李今憐菊如水年華夢裡流願採仙人
不老藥長看前殿月明秋

夜過古戰場

月明星少哀猿叫桔梗原頭風葉飛百戰遺魂
餘銳氣一時赫怒震天威城荒古樹野禽宿逕
斷寒蓬行客稀寂寞功名誰訪訊悲哉秋色淚
沾衣

子規啼

閒牕夢斷子規飛玉筍山頭落月微何事一聲
愁殺去歸思更濕青雲衣

予嚮衛戍平安城時歷遊勝地已十有八
年至今不忘因賦游意

平安城外西山花天朗風微麗彩霞紅粉共翻
洛陽道玉鞍爭據白鼻駒醉者更多醒者少歸
者皆狂行者誇心已飛揚舉鞭進春草青青野

逕斜逕絕下馬乘小船溪深水漲岸覆天樹頭
猿叫藤蘿老山路人稀蘚苔鮮人道江陵一日
還十里急流瞬目間巖絕水緩見漁釣嵐山花
白半掩山言是千株植不伐前川大堰橋渡月
渡月如虹隔落暉飛花似雪濼浮筏倚舟平渚
披杯盤流波洗杯酒將闌呼童買魚魚自美信
知思鱸乍辭官叩舷且歌一清狂故鄉何處是
故鄉河上行人笑我能由來懶惰皓髮郎向暮

舟人頻告返誰道行游唯在春日長 右嵐山

高雄山頭楓樹林半紅半黃氣蕭森下有長流
聲涖涖激批巨巖風凜凜岑崑群嶺照斜日峻
岨斷岸聳積陰徐步下溪到精舍坐對前山山
更深問僧春如何言唯秋興多童子攜酒醉吾
輩能每一酌揚清歌日落欲歸童惜別一時宦
游舉目過 右高雄山
長安城南桃林下菱青桃紅眺望斑淀河清流

迴九曲雄山碧雲遠往還停車坐看春芳好疑
是仙源在人間 右桃林

夜下墨水

金龍波撼山頭月一片輕帆千里流挾岸深林
搖落早秋風忽下二州秋

富貴行

百尺樓臺五雲裏棟桴彫鏤金璧璫旌旗帶風
龍蛇動緹帷映日虹霓光水晶盤桃獻王母仙

人掌露下建章玳瑁簾中歌管合雲母屏外爐
烟香瓊蕖朝餐春秋富玉飴夕飲日月長南宮
冬暖梅花發水殿夏寒春蘭芳已知造化能使
然人生誰保龜鶴年亦知富貴不可願幸有尊
酒與管絃

鴛鴦池泛舟

夏木鬱蔥青黨天林間落日照林泉興來若問
傲游意誰是山陰月夜船

攜琴載酒倚清涼兩岸青楓含夕陽彈出朱絃
誰得聽廣陵調就感情長

初夏過友人山莊得長字

山莊雲霧日初長桂樹森森覆夏牀杯酒坐寒
遲醉氣爐茶談熟惹清香案頭詩賦含餘霧笛
裡梅花落夕陽忘却風塵心自靜願同高卧積
星霜

晚晴

風起晴雷雨日斜照近郊散鴉尋舊宿語燕集
新巢叨列蕭曹後難論管鮑交白頭慚未去無
奈山林嘲

餘雨隨風落娟娟庭樹鮮松根橫碧澗荷葉點
青錢無賴獨憐酒將彈相思絃此時從適意聊
讀逍遙篇

贈友人

秋風昨夜白雲飛黃備山頭去不歸明月君今

誰共見數峰深結薜蘿衣

秋夕

閑居無客到徐步繞池塘穿土除蔓草灌園養
子薑夕蟬鳴不畏野雀過吾傍幽意此時好何
為思故鄉

贈友

共言日日主恩新那似當年楚逐臣老去白頭
還白眼誰能相值獨醒人

漫興

我羨陶家漉酒巾
醉醒日日臥游人
此情豈爲折腰苦
坐對南山心自新

有酒

有酒又何覓朝昏
養此生不才寧見忌
夙志奈難成
殘月懸烟樹
落花映晚晴
物華能愍我
每醉惹風情

夏日留客

樓上開尊盧橘香
留君夏簟引清涼
江風帶雨入庭樹
濁酒還添一醉長

酬友人見寄

長安才子日翩翩
勝地傲遊轉可憐
臥病高歌唯白雪
何人有意弄朱絃

別故人

滿酌勿辭鸚鵡杯
秋風席上紫萸開
君今還似季鷹興
忽欲乘舟萬里迴

長天一色大江潮一片扁舟去已遙愁看赤關
烟霧裡客衣日日更蕭條

桂花樓燕集

清風涼入桂花樓五月坐寒衣似秋數勸酒盃
同適意謾投巾幘信科頭關山高對簾前出溪
水遠迴檻外流豈有新詩催雅興留君落日此
遨遊

共欲擬游桃李園夜來秉燭倚松根彈琴一曲

廣陵散濁酒三盃北海樽深樹風微光璀璨青
荷月落水潺湲枕流醉態放情盡曉色方懸白
虎門

署中作

爐烟細細百花香柳色日和宮漏長麟閣高名
非昔日春風恩徧入鵷行

和子遷見寄醉歸作

歸後榻間空濁醪城南月色照揮毫一時狗監

君何待千載龍門心更高坐裡忽看投玉璧夜
來再怪落蓬蒿開緘唯是臭蘭切多少新裁不
厭勞

金川海眺望

雲盡海門秋色懸三州跨浪隔長天驚濤將起
翠烟裏忽若雪山來日邊
片雲頻起萬丈雲連山半已入烟水帆影映日
舟如塵風落灘頭三千里

大磯捕魚

向夕往捕魚捕得四五百君若問此游誰能似
僖伯

寄憶子遷

蝶夢覺來螢火明經過堪惜故人情論才萬古
耽詩賦屈指中原空弟兄日落千重赤羽樹雲
懸百尺黃金城勿愁和者當今少元是人間白
雪聲

雨後看月得乾字

雲過一時雨晴來薄暮寒泉流聲近報風葉露
將乾清影微臨席滿輪忽出巒點塵全洗去添
得月明看

寄子遷

赤羽之水何清冷南天一望綠山青清風高臥
子雲亭竒字問者今誰在牀頭蕭然太玄經
坐忘高枕心已閑苦思文舉游名山鹿裘葛巾

窮谷間隨意相憐唯君在愧老風塵鬢毛斑
新裁幾許白雪篇君家絕調誰能憐引商刻羽
朱絲絃此曲人間不聞得斂手悵然嘯高天

宿玉笥山上精舍

一行攀玉笥九折峻關東驛路臨湖水人家迎
谷風王陽能憶孝子贛復思忠陌危非枕席遂
志是英雄戰死曾多此戎功且不空綠苔殘篆
碣明燭照龍宮僧爲說三慧我將游六通幽坐

諸天靜二更宿舍中

元文丁巳五月廿二日

公孫降誕恭賦奉賀

五色祥雲懸日邊殿前共頌弄璋篇且看朱芾
堪相照更願多男億萬年

醉後歌得酒字

尊自北海杯流霞一時百杯千日酒座客忽笑
脫漉巾醉後從他露白首

君弄玉軫我醉歌下里幸隨伯牙手此曲此夕
豈謾爲興來都在百壺酒

出塞行

承恩漢將出神京十萬旌旗向虜營威武共知
霍驃騎徵兵深入破龍城

絕漠風飆胡馬驚交河月冷塞鴻鳴回頭鞍上
龍城遠今日初知生死輕

坐忘亭夏集得青字

吾黨常如此風涼松下亭豈憂雙鬢白偏愛一樽青交自如淡水人堪動聚星百年唯縱飲何更問冥靈

夏夜簡友人得江字

開戶月穿屋洗林風落窻蕭然尊酒在一棹下
長江

夏木閑庭裡相馴白鶴雙主人行處至已欲渡
長江

鳴蟬

鳴蟬園柳集向夕入新晴雨後綏堪濕風前翅
更輕吟高枝上噪響邃葉中聲借問何長恨應
餘齊女情

題山水畫

樹間樓閣出並立兩三峰相得月花色春秋咫尺逢
含風雲欲霽湖上一漁舟不識得魚否遠波橫

棹浮

相對兩山間飛流三千丈日夜落無聲疑身在
天上

六月盡得雨涼甚得八庚韻

雨過炎暑解堂上夕涼生將引悲哉氣未爲搖
落聲荷花含露馥桐葉帶風輕夏簟羅衣冷一
杯時更傾

秋思

醉臥沙場昔日游一年又過一年秋偶窺霜鬢
疑明鏡未解風塵萬事愁

宮詞

水殿芙蓉帶雨香珠簾捲盡夕風涼空憑玉檻
弄紈扇欲暮宮中秋日長

江樓避暑

避暑江樓此躋攀披襟酒伴未期還清風直至
金川海落日斜懸玉筍山隨意浮杯流水漲懶

生高枕月光閑豈惟嵇阮能酣飲吾黨狂名在世間

坐忘亭待月得清字

風色松陰逼酒清青尊今日為君傾坐來不厭坐忘興對酌三更月影明

月夜酌酒戲子遷

君自伯倫高酒名竹林須醉晉時情歸來且有家人禁何似杯中浮月清

初秋遊驪山

驪山絲管似鈞天醉裡高歌七月篇曲就縱無雲雨色欲令神女降絃前

秋夜登樓得聲字

醉上高樓風月清倚欄近報級江聲河山蕭索雲茫渺忽動悲哉故國情

觀獵

蕩原狡兔逐颼風臂上射工鳴角弓薄暮丘頭

多取獲當場流血百川紅
胡鷹蹴翅震霜威落羽翩風如雪飛十月白駒
原上草一時踏盡鐵驄歸

秋日即興

呼童頻拂簟即問興如何開牖來明月鑿池引
玉河三杯千日酒一曲仲秋歌自似安仁拙未
遑著薜蘿

秋雨得年字

蕭條秋雨日將作甕頭眠雪雖添雙鬢心猶似
少年狂應劉氏酒興更愁生弦二子協吾志何
求世上憐

江樓送別得香字

江樓欲別桂花香夕雨侵杯醉裡涼憶爾獨看
天日月更愁鳥道楚雲長

胡琴篇

我家胡琴少人知有客欲聽我豈辭已抱將調

調未全安座寬心調淋離響亮美聲散金風
挑高歌繞瑤池澗水澆澗如激石天籟颺颺似
鳴枝客意容與感慨生四坐寂寞月影移歌曲
夜深已向闌情倦絃紆音且衰於是改韻又一
撥四絃新和手相隨其偉其麗發竒弄或急或
緩協幽思流泉未央天欲明客去不見小童疑
小童乃問客何去始覺調和心無期

余幼時同游者六子齡以十四五為長共

好行游尋訪勝地秋舟而至牛頭山五更
而歸也三矣蓋三十有餘年於茲六子皆
往矣余獨居然今得秋日游牛頭山題懷
舊游甚

乘舟七子共相親住棹入門風月新三十年前
如昨日舊游却懷舊時人
墨水清風浮影流牛頭山下滿輪秋四隣松桂
梵音靜半夜猶堪蓮舍游

松間深鎖雨花臺繞逕江流至北迴坐聽夜來
碧雲語諸天明月法塵開
老來更憶少年游幾度秋過墨水舟依舊金龍
山樹色遙侵江渚對高樓
牛山臨眺獨堪思北望筑波雲影垂四境蕭條
梅塚柳秋風已入色將衰
白頭底事混風塵詩賦還堪憐楚臣鼓枻一時
餘子盡江流誰問獨醒人

山中秋興思依依回首梵鐘今聽稀空灑秋風
他日淚何時更結薜蘿衣

落木悲哉秋復來長流日夜去無回牛山游子
今何在誰似當時宋玉才

松下酌酒得塵字

松間苔滑自無塵獨坐頌杯酒復新醉裡滄浪
縱濯足由來不學獨醒人

和觀之席上韻

一樽共爾酌松陰談古此中心自深猶且欲知
流水意攜來牀上朱絲琴

桂花樓翫月得中字

皓皓仲秋月亭亭滿碧空蓬蒿滋白露林木落
清風我自酒狂態君偏詩老翁桂花持再酌
酌一樓中

八月十五夜與子遷酌酒席上賦贈

桂花樓上桂花秋相對相酌皓月浮君能知愛

與我醉我亦偃伏與君游窈窕清影照枕簟蕭
條輕風入篔簹篔簹篔簹坐靜餘響長音偉聲麗星
河流聽者躊躇頃志情高調紛綸數十行此曲
人間常希有邀月舉杯醉裡成非君誰能爲非
我誰復知君不見千里之馬何可無黃金之臺
豈論時蹇驢駑駘食首宿驩驩驩空勞疲又
不見峻嶽之崇岡倚梧長觸雲舐霞鬱清壯杳
藹隱深不可見愀然千載待良匠匠石之斤離

子墨何時爲琴得其狀我聞牙期一知己今夜
相逢又相似請君爲我盡百盃我亦擊筑歌無
已醉中同狂意如何願共君羽化爲赤松子

八月既望對月懷子遷

昨夜與君明月篇今宵與誰流水絃明月流水
相調和月落絃罷自蕭然倚檻望月月影減昨
夜清光益可憐杯盞葦上秋風冷筆墨榻下白
露鮮晚晚老鬢更多缺紛拏風塵何屑屑君能

對酌披腹心我亦對君養此拙明年明月又相
期勿忘勿違我思切

君不見富家吹歌鄭衛聲非倡白雪却成名又
不見鬪雞射雉游俠子羅綺錦繡意氣生共笑
顏氏簞食態又言揚子疎世情豈異投璧人按
劍燕石十襲價連城悲歌非君吾何唱正是天
地一弟兄

戲築假山忠德贈松種之頗幽邃因賦

簣覆成山勢種松山已深大夫秦代雨從此愛
清陰

秋怨分韻樓字

十二欄干月過樓五更秋色漏聲流年年何事
玉階草生長宮中幾夜愁

九月一日燕成章館子遷至席上分韻得

深字

為有臥游趣座中客自深菊花先九日竹葉酌

重陰偶得相如賦堪彈知己音醉醒君與我千
載任同心

